

1399
A
1399

F

anf.

SS

^{47.}
CATALOGVS
LECTIONUM
ET EXERCITA-
TIONVM
IN ACADEMIA JULIA

A
FESTO MICHAELIS
ANNO MDC LXXIX.
VSQVE AD PASCHA
SEQVENTIS ANNI MDC LXXX.
HABENDARVM.



HELMESTADI,
Typis HENRICI DAVIDIS MÜLLERI, Acad. Typ.
ANNO MDCLXXIX.

74

CATALOGVS
LECTIONVM
ET EXERCITIA
TOMVM
IN ACADEMIA JULIA

FESTO MICHAELIS
ANNO MDCCLXXIX
VSQVE AD PASCHA
SECVNTIS ANNI MDCCLXXX
HABENDARVM

Helmstedt
Typis Henrici Davids Milleri Acad. Typ.
Anno MDCCCLXXIX





FACULTAS THEOLOGICA.

GERHARDVS TITIVS D. Disputationes publicas super Thesis suis Theologicis institutas, quarum dimidiam partem jam habuit, absolvet porrò. Controversias quoque quæ nobis cum Reformatis intercedunt, lectionibus publicis proponet denuò, & domestica exercitia ad finem perducet.

FRID. ULRICUS CALIXTUS D. susceptam publicam Thesium Theologicarum expositionem, Deo iuvante, continuabit. Consuetas etiam, & adhuc reliquas Disputationes publicas ordine adjiciet. Privata quoque exercitia, ad promovenda Auditorum commoda, instituet.

GEBHARD. THEODORUS MEJERUS D. Theologiam, eundo per reliquos Locos, quos vocant, ex Scriptura & Antiquitate explicare, confirmare & defendere publicis lectionibus perget, quibus absolutis de Optimis Historiæ Ecclesiasticæ Scriptoribus Dissertationes instituet. Privata etiam exercitia urgebit & proxime Hugonis Grotii de Veritate Religionis libros exponet, editurus insuper Rituale pœnitentium Veteris Ecclesiæ.

ANDREAS FRÖLINGIUS D. Prælectiones in Evangelicas Pericopas, variis impedimentis aliquantisper interruptas, eâ, quâ licebit, assiduitate continuabit. Quòd si aliâ etiam ratione commoda studiosorum poterit promoveri, non patietur quicquam in se desiderari.



PAULUS HEIGEL Ordinarias ad S. Scripturam Lectiones brevi aggredietur, & vitam Servatoris nostri ex N. T. collectam cum Vaticanis Veteris Testamenti conferet. Privatim collegium Homileticum auspicabitur.

FACULTAS IVRIDICA.

JOANNES Reichell Cod. P. P. Studiosæ juventuti consilio & manu ductione ad studia solidè colenda non deerit, omnibus & singulis, qui consilio ejus uti volunt, libenter vacaturus.

GEORGIUS Engelbrecht D. Digest. Profess. Ordin. in priori Digestorum parte publicam; in posteriori verò privatam interpretationem, quâ par est, fide & diligentia continuabit, inque aliis juris partibus ejus cultores tum docendo, tum examinando, tum disputando sedulo adjuvabit.

JOHANNES HENRICUS Bötticher D. Juris Canonici & Feudalis Professor Ordin. processum judicarium juxta ordinem libri secundi Decretalium exponet publicasque Disputationes ad Digesta debita diligentia continuabit. Privatis etiam Lectionibus ac exercitiis Studiosæ juventutis commoda pro virili promovebit.

JOH. GOTHARD von Bötelm D. Institutionum & juris Criminalis Prof. Ordin. processum juris Criminalis brevi ad finem publicè perducet, & eo finito, Institutiones juris brevi ac perspicuâ methodo publicâ ex cathedrâ interpretabitur. Privatas quoque lectiones sedulo continuabit.

JOAN Eisenhart D. Novellarum Justiniani Imp. Constitu-

Constitutionum expositionem juxta ordinem Institutionum Imp. hoc semestri ordietur. In privato autem auditorio juris publici doctrinam brevi ad finem perducet; quâ finitâ ex utilitate & voto auditorum nova exercitia instituet.

FACULTAS MEDICA.

JACOBIUS TAPPIUS D. Doctrinam de Compositione Medicamentorum, quam non ita pridem auspicatus est, pertextet, eâque ad finem perductâ, si Deus ei in extrema hâc senectute vitam & vires largitus fuerit, de formis medicamentorum aget.

HERMAN. CONRINGIUS quantum licuerit per senectutem pariter & incommodam valetudinem impendet non Politicis duntaxat sed etiam Medicis exercitationibus.

HENRICUS MEIBOMIUS D. In tradenda Physiologia pariter & Pathologia, ut se mutuo illustrent, publicè perget: domi vero suæ Institutionum Medicarum explicationem continuabit, & alia ad juventutis profectus accommodata exercitia instituet.

GUNTHERUS CHRISTOPHORUS SCHELLHAMMERUS D. simplicium Medicamentorum naturam & facultates explicabit publice, & experimentis illustrabit: privatos intra parietes anatomica exercitia aliaque, quibus juxta secum proficiant auditores, aggredietur.

FACULTAS PHILOSOPHICA.

CHRISTOPH. SCHRADER Facult. Senior, ha-

A 3

ctenus

Et enus anni superioris promissa per divinam vim majorem implere haut potuit, itaque quæ tum in Catalogo proscripsit, jam nunc denuo vult repetita & simulatque convaluerit & per Dei gratiam ac Medicorum opem pristinam valetudinem receperit, quæ præcedenti anno pollicitus est, eadem hoc anno Deo propitio est præstiturus.

HERMAN. CONRINGIUS, quia valetudo spem brevi recuperandæ integritatis jam facit, proposuit, propediem rursus docere τὰ πολιτικά & quidem nobilissimam de Regno doctrinam, filium secutus Aristotelicum; simulque suas de republica Imperii Germanici Exercitationes denuo instituere, si studium hoc eximii juvenes diligentia sua excitaverint.

PAULUS HEIGEL publicis lectionibus Planetarum motum, eorumque phænomena propria explicabit: Initium verò faciet à Theoria Solis. Privatim Opticam & Geometriam tradet. Docet horâ secundâ.

MELCHIOR SCHMID in Cl. Æliani variis Historiis exponendis perget ad librum tertium, & præter Græcismi delicias Atticas, usum antiquæ eruditionis hodiernum subinde ostendet. Docet hora I.

JOH. EBERHARDUS BUSMANNIS, absoluto tractatu de Poësi Hebræorum, publicè Orientalium linguarum, præcipuarum nempe illarum, quarum versiones in opere polyglotto Anglicano collectæ extant, præcepta quædam Grammatica tradet, præmissâque teoriâ analysin in singulis linguis subjunget: privatim Hebraica imprimis, quæ ante aliquot menses incepit, exercitia strenue urgebit, aliaque de novo instituet. Docet hora X.

JUSTUS CELLARIUS publicas de Anima humanâ considerationes pertextet, strictimque expositis materialibus ejus functionibus, paulo plenius de propriis spiritalibus

ritualis animæ operationibus differet. Domi prælectiones suas, quibus prima Physicæ fundamenta proposuit, propediem absolvet. Reliquas vero dia tribas quibus selecta ejusdem Scientiæ capita vulgo neglecta, aut perperam tradita, curiosius evolvit, debitâ industriâ continuabit, brevi significaturus quales labores novos Studiosorum desideriis accommodatos sit suscepturus. Docet horâ V.

HENRICUS WIDEBURGIUS primis duabus hebdomadis cujusq; horis Logices doctrinam privatis Lectionibus hætenus traditam publicis disquisitionibus repetet: reliquis verò eruditum Cornelii Martini libellum de Analyfi formæ & materiæ proponet, ejusque observationes exemplis è divinæ humanæque sapientiæ disciplinis depromtis illustrabit, ac iisdem alias notatu dignas adjiciet. In domesticò auditoriò Analyticam de rectâ demonstrandi ratione doctrinam ex ipsis Aristotelicis fontibus explicabit: nec aliis Philosophiæ ac liberalioris doctrinæ Studiosorum desideriis deerit. Docet horâ VII.

JOH. BARTHOLDUS NIEMEIERUS Doctrinam de Causis, ad quam publicis lectionibus non ita pridem fuit delatus, ex professo tradere, præcipuasque in eadem occurrentes quæstiones controversas enucleare perget; deinde ad reliqua Metaphysices capita secundum ordinem in scholis hætenus receptum progredietur. Domi ejusdem scientiæ principia nervosè atque ad varios usus quàm maximè accommodatè interpretabitur, & quàm primum non unius generis exercitia, quæ hætenus urget, finem fuerint sortita, alia ad studiosæ juventutis desideria, sibi maximam partem jam tum cognita, instituet; quibus unam atque alteram Disputationem publicam adjiciet. Docet horâ IX.

JOAN. Eisenhart publicis privatisque lectionibus
Ethicis

Ethicis proxime ad finem jam perductis, eandem doctrinam Moralem proximo semestri publicis disputationibus loco & horâ lectionum publicarum institutis repetet; privatim verò tum Moralis tum civilis Philosophiæ doctrinam tradere constituit. Docet horâ octavâ.

HENRICUS MEIBOMIUS, in publice tradenda Historia Augusta, eo, quem nupero Programmate significavit, modo perget, domi suæ illa additurus, quæ post Carolum M. in Germania & vicinis Regnis gesta sunt. Docet hora tertia.

CHRISTOPHORUS TOBIAS WIDEBURGIUS propediem lectiones publicas à rerum cœlestium contemplatione auspicabitur, propositurus ea quæ ad ortus & occasus siderum, dierum ac noctium vicissitudines, aliæque quæ primus stellarum motus exhibet, pertinent. Quoties cœlum favebit, stellarum situs ac ordines demonstrabit, atque harum rerum studiosos ad observanda phænomena præparabit. In privato auditoriò Geographiam tradet, ac Arithmetices præcepta breviter & perspicue explicabit. Docet horâ octavâ.



99 A 69 19

ULB Halle 3
002 631 202




56.

Reho. ✓


VD 17





DISP
T





B.I.G.

Farbkarte #13

^{47.}
CATALOGVS
LECTIONUM
ET EXERCITA-
TIONVM
IN ACADEMIA JULIA

A
FESTO MICHAELIS
ANNO MDC LXXIX.
VSQVE AD PASCHA
SEQUENTIS ANNI MDC LXXX.
HABENDARVM.



HELMESTADI,
Typis HENRICI DAVIDIS MÜLLERI, Acad. Typ.
ANNO MDCLXXIX.

